

**MALAYSIA**  
**DEWAN NEGARA**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

**<http://www.parlimen.gov.my>**

**HARI SELASA, 4 DISEMBER 2012, PUKUL 10.00 PAGI**

**Bil. 19**

---

**PERTANYAAN-PERTANYAAN BAGI JAWAB LISAN**

1. PN-1253-L15371  
**Tuan Haji Abdul Shukor bin Mohd Sultan** minta **MENTERI PERUMAHAN DAN KERAJAAN TEMPATAN** menyatakan dasar serta garis panduan baru yang bakal diperkenalkan bersesuaian dengan hasrat Kementerian untuk mengawal kenaikan harga rumah terutamanya di bandar-bandar besar.
2. PN-1253-L16009  
**Tuan Subramaniam a/l Veruthasalam** minta **PERDANA MENTERI** menyatakan apakah sistem permit syarikat teksi yang wujud sekarang akan ditukar kepada permit individu atau syarikat koperasi pemandu untuk mengelakkan monopoli dan penyalahgunaan serta menjamin kebijakan pemandu teksi.
3. PN-1253-L15451  
**Tuan Haji Ahamat @ Ahamad bin Yusop** minta **MENTERI TENAGA, TEKNOLOGI HIJAU DAN AIR** menyatakan sejauh manakah langkah Kerajaan Negeri Selangor meneruskan hasrat menstrukturkan semula perkhidmatan air di negeri tersebut seperti terkandung dalam Akta Perkhidmatan Bekalan Air 2006 (WSIA) yang bakal memberi impak kepada lebih 2 juta penduduk di Selangor dan Lembah Klang.
4. PN-1253-L15634  
**Datuk Pau Chiong Ung** minta **MENTERI PENERANGAN, KOMUNIKASI DAN KEBUDAYAAN** menyatakan:-
  - (a) semenjak pemberian Komputer Riba 1Malaysia dilancarkan, berapakah jumlah buah komputer riba yang telah pun diagihkan dan berapakah perbelanjaan yang terlibat; dan
  - (b) adakah kerja-kerja susulan dijalankan bagi mengenal pasti pemberian komputer riba tersebut betul-betul memanfaatkan penerima dan peratus kerosakan komputer serta adakah projek ini akan diteruskan.

5. PN-1253-L15950  
**Puan Hajah Noriah binti Mahat** minta **PERDANA MENTERI** menyatakan jumlah individu yang dibebaskan daripada muflis atau bankrap sejak 5 tahun lalu dan sejauh manakah iklan yang diadakan oleh Jabatan Insolvensi di televisyen dan media massa lain berjaya membantu dan mendidik orang ramai menyelesaikan masalah kebankrapan mereka melalui Jabatan Insolvensi.
6. PN-1253-L15596  
**Puan Hajah Khairiah binti Mohamed** minta **MENTERI PENGAJIAN TINGGI** menyatakan Institusi Pengajian Tinggi Awam mahupun Swasta yang mendapat kelulusan tetapi gagal mendapatkan sijil akreditasi dalam tempoh yang ditetapkan dan nyatakan program pengajian yang berkaitan.
7. PN-1253-L16025  
**Datuk Raja Ropiaah binti Raja Abdullah** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan dalam Bajet 2013, diumumkan 57 buah Kedai Rakyat 1 Malaysia (KR1M) dibuka di Sabah dan Sarawak. Oleh kerana jarak satu kampung ke satu kampung adalah jauh, adalah perlu produk-produk KR1M ini sampai ke kampung pendalam supaya barang-barang kos lebih murah dapat dinikmati oleh penduduk luar bandar dan penduduk yang tiada kemudahan pasar raya yang harganya lebih berpatutan. Bolehkah pihak berkenaan melantik kedai-kedai runcit kampung sebagai agen produk-produk KR1M supaya lebih banyak lagi KRIM ini beroperasi dan manfaatnya boleh dirasai oleh rakyat yang betul-betul susah dan kurang kemampuan.
8. PN-1253-L15393  
**To' Puan Hajah Zaitun binti Haji Mat Amin** minta **PERDANA MENTERI** menyatakan jumlah penjawat awam masa kini serta nyatakan jumlah penjawat awam perkhidmatan kontrak, sambilan dan sementara serta nyatakan langkah-langkah Kerajaan untuk menetapkan penjawat awam ini ke jawatan tetap bagi menjamin masa depan mereka.
9. PN-1253-L15985  
**Dr. Syed Husin Ali** minta **MENTERI KEMAJUAN LUAR BANDAR DAN WILAYAH** menyatakan adakah Kementerian berhasrat untuk memberi dana kepada aktivis yang menjalankan projek mikro hidro elektrik di pedalaman Sabah dan Sarawak.
10. PN-1253-L15373  
**Puan Hajah Rohani binti Abdullah** minta **PERDANA MENTERI** menyatakan mengapakah jemaah haji Malaysia tahun ini mendapat tarikh jadual penerangan untuk menunaikan fardhu haji yang agak lewat berbanding dengan tahun sebelumnya.

11. PN-1253-L15764  
**Datuk Paul Kong Sing Chu** minta **MENTERI PELANCONGAN** menyatakan prestasi terkini Program Homestay di bawah Kementerian.
12. PN-1253-L16092  
**Datuk Hj Saat bin Hj Abu** minta **MENTERI KEWANGAN** menyatakan SPNB mengkaji semula harga penjualan rumah-rumah yang diluluskan kepada pemohon-pemohon kerana dahulu rumah yang bersaiz 850 kaki persegi berharga RM60,000 dan sekarang rumah bersaiz 1000 kaki persegi hanya RM55,000 dengan menaik taraf kegunaan ADEX kepada jenis genting dan kualiti rumah yang bagus dan baik terus memberi peluang kontraktor kelas F dengan memberi kerja, seperti setiap kontraktor kelas F diberi buat kerja 5 buah rumah dan bukan lantikan dari syarikat-syarikat besar.
13. PN-1253-L16125  
**Dr. S. Ramakrishnan** minta **MENTERI KERJA RAYA** menyatakan :-
  - (a) jumlah tol yang dikutip oleh setiap 'concessioner' lebuh raya di tahun 2011 dan 2010; dan
  - (b) bilakah 'concession' ini akan tamat setiap 'concessioner'.
14. PN-1253-L15760  
**Datuk Paul Kong Sing Chu** minta **MENTERI PERUMAHAN DAN KERAJAAN TEMPATAN** menyatakan apakah usaha-usaha Kementerian dalam menggalakkan amalan 3R, mengapa tarikh penguatkuasaan pengasingan sisa di peringkat punca secara mandatori asyik ditangguhkan seolah-olah Kementerian tidak serius terhadap inisiatif ini dan lebih cenderung untuk membina insinerator dalam pengurusan sisa pepejal.
15. PN-1253-L15682  
**Dato' Muhammad Olian b Abdullah** minta **MENTERI KEMAJUAN LUAR BANDAR DAN WILAYAH** menyatakan kesediaan pihak Kerajaan untuk menjadikan Jabatan Kemajuan Orang Asli (JAKOA) sebagai Badan Berkanun Persekutuan bagi meningkatkan kecekapan sistem penyampaian dalam membangunkan masyarakat Orang Asli.
16. PN-1253-L15781  
**Puan Chew Lee Giok** minta **MENTERI SUMBER ASLI DAN ALAM SEKITAR** menyatakan apakah perkembangan peminjaman sepasang panda oleh China kepada Malaysia pada tahun depan.
17. PN-1253-L15741  
**Dato' Jaspal Singh** minta **MENTERI PELAJARAN** menyatakan jumlah terbaru pelajar matrikulasi dan pecahan mengikut bangsa. Apakah pencapaian pengambilan matrikulasi bagi tahun 2012 untuk kaum India dan sama ada angka 1500 yang telah diumumkan oleh YAB. Perdana Menteri tercapai. Apakah cabaran yang dihadapi oleh Kementerian untuk memenuhi jumlah yang diumumkan.

18. PN-1253-L15370  
**Puan Hajah Rohani binti Abdullah** minta **PERDANA MENTERI** menyatakan sejauh mana Program Genovasi dapat melahirkan sekurang-kurangnya 5,000 Duta Inovasi dalam tempoh lima tahun.
19. PN-1253-L15928  
**Dato' Dr. Firdaus bin Haji Abdullah** minta **MENTERI PENERANGAN, KOMUNIKASI DAN KEBUDAYAAN** menyatakan sekiranya Kementerian bercadang untuk menubuhkan Majlis Pengiklanan Negara dan sekali gus menggubal Dasar Pengiklanan Negara untuk memastikan sektor iklan di negara ini berfungsi bukan sahaja sebagai satu industri penjanaan ekonomi dengan penglibatan yang seimbang antara Syarikat Multi Nasional dan syarikat tempatan dan sekali gus turut menjaga kepentingan Bumiputera, tetapi juga berfungsi sebagai wahana pembinaan jati diri ke arah pembentukan sebuah negara bangsa.
20. PN-1253-L15697  
**Datuk Haji Yunus bin Haji Kurus** minta **PERDANA MENTERI** menyatakan apakah persediaan dalam menghadapi kemungkinan negara bakal berdepan ancaman tsunami lebih besar akibat laporan Jabatan Meteorologi bahawa gegaran gempa bumi berkemungkinan berlaku di negara-negara Asia Tenggara.
21. PN-1253-L15835  
**Tuan Saiful Izham bin Ramli** minta **MENTERI KEWANGAN** menyatakan berapakah jumlah sebenar kerugian (*actual loss*) serta kerugian atas kertas (*paper loss*) yang dialami oleh Bank Negara semasa aktiviti spekulasi mata wang asing dijalankan pada sekitar tahun-tahun 1990 hingga 1992 dari tarikh awal aktiviti tersebut dikenal pasti telah dimulakan ketika itu.
22. PN-1253-L15895  
**Datuk Chin Su Phin** minta **MENTERI PERTANIAN DAN INDUSTRI ASAS TANI** menyatakan apakah langkah-langkah yang diambil oleh pihak Kementerian dalam meningkatkan mutu dan nama industri sarang burung walit di Sabah dan apakah Kementerian bercadang untuk mengiktiraf industri sarang burung walit di Sabah sebagai industri yang tersendiri dan apakah Kementerian bersetuju bahawa industri yang telah lama bertapak di Sabah ini terkesan akibat kualiti sarang burung walit yang dihasilkan di Semenanjung, rendah kualitinya.
23. PN-1253-L15506  
**Dato' Haji Abdul Rahman bin Bakar** minta **PERDANA MENTERI** menyatakan apakah inisiatif yang diwujudkan di bawah Unit Peneraju Agenda Bumiputera (TERAJU) antaranya dana mudah cara atau program TERAS dan Yayasan Peneraju Pendidikan Bumiputera kerana ianya memberi impak yang besar kepada Bumiputera di bidang perniagaan.

24. PN-1253-L15599

**Tuan Syed Shahir bin Syed Mohamud** minta **MENTERI SUMBER MANUSIA** menyatakan berapakah jumlah kes yang tidak dapat diselesaikan oleh Mahkamah Buruh dan punca ia tidak dapat diselesaikan. Apakah jenis-jenis tuntutan yang dibuat oleh pekerja.

25. PN-1253-L16084

**Datuk Hj Saat bin Hj Abu** minta **PERDANA MENTERI** menyatakan mewujudkan kaunter-kaunter berbayar pada nama Kementerian-kementerian yang berurusan dengan orang ramai, dengan mengenakan caj yang sesuai dengan urusan-urusan yang dikendalikan dan perkhidmatan yang berikan tidak lebih daripada 30 minit untuk sesuatu kes.

26. PN-1253-L15576

**Datuk Pau Chiong Ung** minta **MENTERI PERDAGANGAN ANTARABANGSA DAN INDUSTRI** menyatakan:-

(a) dari 2008 sehingga awal bulan Mac 2012, Sarawak merupakan negeri yang mempunyai Indeks Pelaburan Luar (FDI) tertinggi dengan mencatat pelaburan asing sebanyak 30.3 bilion. Apakah pecahan jenis pelaburan mengikut industri pelaburan tersebut; dan

(b) adakah kebanyakan pelaburan tersebut terkumpul di kawasan SCORE Sarawak, terutamanya di kawasan Industri Samalaju. Jika ya, adakah Kerajaan merancang untuk meningkatkan kelengkapan infrastruktur di kawasan tersebut.

27. PN-1253-L15808

**Dato' Mohammed Najeeb bin Abdullah** minta **PERDANA MENTERI** menyatakan tahap integrasi dan perpaduan di kalangan penduduk di Semenanjung Malaysia dengan penduduk di Sabah serta Sarawak. Apakah strategi jangka pendek dan jangka panjang bagi meningkatkan tahap ini.

28. PN-1253-L15666

**Dato' Abdul Rahim bin Abdul Rahman** minta **MENTERI PERUMAHAN DAN KERAJAAN TEMPATAN** menyatakan berikut purata 2 orang terkorban setiap hari iaitu seramai 700 orang setahun kematian lemas disebabkan kelemahan pelaksanaan dan penguatkuasaan peraturan-peraturan dan undang-undang keselamatan yang sedia ada, apakah perancangan Kementerian untuk meningkatkan tahap keselamatan di kolam renang, kawasan pantai dan air terjun yang dikunjungi oleh orang ramai.

29. PN-1253-L15731  
**Tuan Mohamad Ezam bin Mohd Nor** minta **PERDANA MENTERI** menyatakan:-
- (a) paras kemiskinan bagi rakyat yang tinggal di bandar dan bilangan rakyat yang masih berada di bawah paras kemiskinan di bandar-bandar seluruh negara; dan
- (b) apakah langkah-langkah yang diambil bagi mengatasi jumlah kemiskinan bandar.
30. PN-1253-L16107  
**Dr. S. Ramakrishnan** minta **MENTERI PERTANIAN DAN INDUSTRI ASAS TANI** menyatakan:-
- (a) apakah bentuk insentif yang diberi kepada penternak lembu tenusu untuk kembang maju dalam ternakan; dan
- (b) 95 peratus keperluan dan makanan tenusu import dari luar negara. Apakah tindakan dan langkah-langkah Kementerian untuk menurunkan angka ini dan menjadi berdikari.
31. PN-1253-L15617  
**Puan Hajah Khairiah binti Mohamed** minta **MENTERI PERUMAHAN DAN KERAJAAN TEMPATAN** menyatakan jumlah pengeluaran Sijil Perakuan Siap dan Pematuhan oleh orang utama yang mengemukakan pada tahun 2008 hingga 2011 dan nyatakan bilangan Sijil Perakuan Siap dan Pematuhan yang dikeluarkan oleh Pihak Berkuasa Tempatan pada tahun 2006 dan 2007.
32. PN-1253-L15426  
**Dato' Dr. Johari bin Mat** minta **PERDANA MENTERI** menyatakan secara terperinci senarai projek dalam RMK-10 untuk negeri Kelantan dan status terkini projek-projek tersebut.
33. PN-1253-L15636  
**Tuan Khoo Soo Seang** minta **PERDANA MENTERI** menyatakan usaha-usaha Kerajaan daripada segi "risk assessment" memandangkan pentingnya kepada "risk reduction" dan "risk management" serta memandangkan bahawa banyak negara asing amat mengambil berat tentang "risk assessment".
34. PN-1253-L15959  
**Dr. Syed Husin Ali** minta **PERDANA MENTERI** menyatakan jumlah kebankrapan yang berpunca daripada kad kredit dan bagaimana undang-undang BAFIA sepatutnya digunakan untuk melindungi pengguna daripada dieksplot oleh bank.

35. PN-1253-L15552  
**Puan Norliza binti Abdul Rahim** minta **MENTERI PERDAGANGAN ANTARABANGSA DAN INDUSTRI** menyatakan daripada RM1 bilion "Domestic Investment Strategic Fund" yang diperuntukkan bagi menggalakkan 'Domestic Direct Investment (DDI)' berapakah jumlah yang telah digunakan dan apakah 'ranking' negara berbanding negara-negara Asia Tenggara yang lain dalam menarik pelaburan daripada luar (FDI).
36. PN-1253-L15972  
**Dr. Syed Husin Ali** minta **MENTERI PENERANGAN, KOMUNIKASI DAN KEBUDAYAAN** menyatakan dengan terperinci jumlah perbelanjaan Dana Industri Kreatif, organisasi yang paling banyak menerima dana tersebut dan bagaimana cara mereka memperolehnya.
37. PN-1253-L15650  
**Tuan Khoo Soo Seang** minta **MENTERI DALAM NEGERI** menyatakan langkah-langkah yang diambil dan jaminan keselamatan kepada para anggota polis semasa mereka menjalankan tugas rasmi. Apakah pampasan yang diberikan sekiranya seseorang anggota polis menjadi kurang upaya atau terkorban ketika menjalankan tugas.
38. PN-1253-L15915  
**Puan Hajah Dayang Madinah binti Tun Abang Haji Openg** minta **MENTERI PEMBANGUNAN WANITA, KELUARGA DAN MASYARAKAT** menyatakan Bajet 2013 memberi insentif termasuk geran RM10,000 dan pengecualian cukai berganda kepada pihak yang mengusahakan TASKA, bagi mengatasi masalah keciciran wanita berkerjaya. Adakah pihak Kementerian akan menyusulkan peraturan yang mewajibkan sektor awam dan swasta menyediakan kemudahan penjagaan bayi di tempat kerja.
39. PN-1253-L16035  
**Tuan Mohd. Khalid bin Ahmad** minta **PERDANA MENTERI** menyatakan:-
- (a) mengapa Kerajaan Malaysia tidak mengiktiraf gelaran Darjah Kerabat (DK), Dato' Seri Diraja Dato' Seri, Dato' Paduka dan Dato' daripada luar negara iaitu seperti yang telah dikurniakan oleh Raja dari Karaton Surakarta, Kota Solo (Indonesia) dan Sultan Sulu (Filipina); dan
  - (b) apakah tindakan yang akan diambil oleh Kerajaan untuk membanteras kegiatan ini.
40. PN-1253-L15742  
**Dato' Jaspal Singh** minta **MENTERI PENGAJIAN TINGGI** menyatakan amaun yang telah diperuntukkan di bawah *Skim MyBrain* dan *MyPHd* bagi tempoh 2012. Berapa banyakkah jumlah aplikasi dan jumlah diluluskan mengikut bidang dan bangsa.

41. PN-1253-L16106

**Dato' Syed Ibrahim bin Kader** minta **MENTERI DALAM NEGERI** menyatakan terdapat segelintir masyarakat yang telah lama menetap di Malaysia memohon taraf warganegara tetapi masih tidak berjaya dan kadang kala maklum balas mengenai sesuatu permohonan mengambil masa yang lama. Pihak KDN seharusnya memberikan maklum balas secepat mungkin dan memberi penjelasan munasabah jika permohonan tersebut gagal. Apakah tindakan Kementerian mengenai isu ini.

42. PN-1253-L15438

**Dato' Dr. Johari bin Mat** minta **PERDANA MENTERI** menyatakan sejauh manakah gerakan memurtadkan umat Islam di negara ini berleluasa dan apakah usaha-usaha yang telah dilakukan untuk menangani isu ini.

43. PN-1253-L15767

**Puan Hajah Mariany binti Mohammad Yit** minta **MENTERI KEMAJUAN LUAR BANDAR DAN WILAYAH** menyatakan bilakah Maktab Rendah Sains MARA Bentong akan mula beroperasi dan guru-guru yang ditempatkan secara sementara di MRSM Tun Abdul Razak, Pekan dipindahkan semula ke MRSM Bentong serta apakah status terkini kerja-kerja baik pulih cerun runtuh dan berapakah peruntukan tambahan yang terlibat bagi baik pulih, urusan pentadbiran perpindahan dan kerugian yang dialami Kerajaan akibat cerun tanah yang runtuh ini pada 6 Disember 2009.

44. PN-1253-L15491

**Dato' Nalla K. S.** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan apakah ada didirikan Kedai Rakyat 1Malaysia [ KR1M ] di kawasan penduduk berpendapatan tinggi supaya dapat memberikan manfaat kepada rakyat secara keseluruhan menikmati janji Kerajaan Barisan Nasional, kerana harga barang di KR1M sangat berpatutan.

45. PN-1253-L15454

**Tuan Haji Muhamad Yusof bin Husin** minta **MENTERI PERTAHANAN** menyatakan sepanjang Program Latihan Khidmat Negara (PLKN) diperkenalkan sejak tahun 2004 sehingga sekarang, berapakah jumlah kes kematian, rogol, pergaduhan dan sebagainya dan apakah tindakan yang diambil agar kejadian tersebut tidak akan berlaku lagi.

46. PN-1253-L16008

**Puan Roslin binti Haji Abdul Rahman** minta **MENTERI DALAM NEGERI** menyatakan jumlah penagih di pusat serenti seluruh negara mengikut pecahan kaum serta nyatakan jumlah penagih yang telah menerima rawatan pemulihan di *Klinik Cure & Care 1Malaysia* bagi tahun 2010, 2011 dan 2012 dan nyatakan sejauh manakah keberkesanan usaha NGO seperti Pengasih dalam mengubati penagih dadah.

47. PN-1253-L16094  
**Dato' Syed Ibrahim bin Kader** minta **MENTERI PENGANGKUTAN** menyatakan penerbangan AirAsia tidak mahu menurunkan penumpang di LCCT pada hari hujan dan ini kadangkala memakan masa lebih dari satu jam berada di dalam kapal terbang selepas pendaratan. Berlaku masalah kepada penumpang yang mempunyai "connecting flight". Apakah langkah-langkah yang diambil oleh Kementerian bagi mengatasi masalah ini.
48. PN-1253-L15689  
**Dato' Muhammad Olian b Abdullah** minta **MENTERI PENGAJIAN TINGGI** menyatakan pendekatan dan pelaksanaan fungsi yang dimainkan oleh sektor pengajian tinggi ke arah yang lebih berorientasikan kepada keperluan ekonomi serta yang dapat memenuhi pengharapan keperluan dunia pada masa hadapan.
49. PN-1253-L15863  
**Dato' Boon Som a/l Inong** minta **MENTERI DALAM NEGERI** menyatakan berapakah bilangan pekerja asing di Malaysia, mengikut negara serta berapa banyaknya wang hasil pendapatan mereka di negara ini keluar ke negara asal mereka.
50. PN-1253-L15365  
**Tuan Haji Abdul Shukor bin Mohd Sultan** minta **MENTERI PENGAJIAN TINGGI** menyatakan apakah pendekatan yang digunakan oleh universiti-universiti tempatan dalam melahirkan lebih ramai graduan Ijazah Doktor Falsafah (PhD) dalam usaha membantu proses transformasi industri utama negara daripada negara pembuatan kepada negara inovasi.
51. PN-1253-L15537  
**Dato' Lim Nget Yoon** minta **MENTERI PELAJARAN** menyatakan bilangan kes keracunan makanan selepas minum susu percuma di sekolah-sekolah rendah sehingga kini. Apakah langkah-langkah diambil oleh Kementerian untuk memastikan perkara ini tidak berulang.
52. PN-1253-L15394  
**To' Puan Hajah Zaitun binti Haji Mat Amin** minta **MENTERI PEMBANGUNAN WANITA, KELUARGA DAN MASYARAKAT** menyatakan jumlah kes pembuangan bayi bagi tahun 2010, 2011 dan 2012 dan nyatakan langkah-langkah Kementerian bagi mengatasi masalah pembuangan bayi ini.
53. PN-1253-L15592  
**Datuk Maijol bin Mahap** minta **MENTERI KEWANGAN** menyatakan kenapakah Bank Negara enggan membuat siasatan terhadap wang RM40 juta yang dikesan di Hong Kong yang dikatakan oleh Kerajaan baru-baru ini sebagai wang sumbangan kepada parti UMNO dan siapakah nama penderma wang yang dikatakan dari Sabah itu.

54. PN-1253-L15714

**Tuan Chiew Lian Keng** minta **MENTERI KESIHATAN** menyatakan langkah-langkah yang perlu diambil untuk meningkatkan perkhidmatan kecemasan, terutamanya perkhidmatan ambulans, kerana mangsa-mangsa mungkin meninggal dunia jika perkhidmatan ambulans serta perkhidmatan perubatan adalah tidak sempurna dan perlahan.

**ATURAN URUSAN MESYUARAT DAN USUL-USUL**

- |  |                |  |                                   |
|--|----------------|--|-----------------------------------|
| 1.   | (D.R. 33/2012) | Rang Undang-undang Hakmilik Strata (Pindaan) 2012 -<br>Menyambung semula Perbahasan atas masalah,<br>“Bahawa Rang Undang-undang ini dibacakan kali yang<br>kedua sekarang.”<br><b>( 3 Disember, 2012 )</b> |                                   |
| <b>[ Menteri Sumber Asli dan Alam Sekitar ]</b>        |                |  |                                   |
| 2.   | (D.R. 34/2012) | Rang Undang-undang Pemindahan<br>Antarabangsa Banduan 2012   | <b>Bacaan Kali<br/>Yang Kedua</b> |
| <b>[ Menteri Dalam Negeri ]</b>                        |                |  |                                   |
| 3.   | (D.R. 36/2012) | Rang Undang-undang Keselamatan Sosial<br>Pekerja (Pindaan) 2012  | “                                 |
| <b>[ Menteri Sumber Manusia ]</b>                      |                |  |                                   |
| 4.   | (D.R. 37/2012) | Rang Undang-undang Penyelarasan<br>Pencen (Pindaan) 2012   | “                                 |
| <b>[ Menteri Di Jabatan Perdana Menteri ]</b>          |                |  |                                   |
| 5.   | (D.R. 32/2012) | Rang Undang-undang Pengurusan Strata<br>2012   | “                                 |
| <b>[ Menteri Perumahan dan Kerajaan<br/>Tempatan ]</b> |                |  |                                   |
| 6.   | (D.R. 40/2012) | Rang Undang-undang Perkhidmatan<br>Kewangan 2012   | “                                 |
| <b>[ Menteri Kewangan ]</b>                            |                |  |                                   |
| 7.   | (D.R. 41/2012) | Rang Undang-undang Perkhidmatan<br>Kewangan Islam 2012   | “                                 |
| <b>[ Menteri Kewangan ]</b>                            |                |  |                                   |
| 8.   | (D.R. 39/2012) | Rang Undang-undang Bank Negara<br>Malaysia (Pindaan) 2012  | “                                 |
| <b>[ Menteri Kewangan ]</b>                            |                |  |                                   |

9. (D.R. 31/2012) Rang Undang-undang Perbekalan 2013 "   
**[ Menteri Kewangan ]**
10. (D.R. 35/2012) Rang Undang-undang Kewangan (No. 2) 2012 "   
**[ Menteri Kewangan ]**
11. (D.R. 38/2012) Rang Undang-undang Reka Bentuk Perindustrian (Pindaan) 2012 "   
**[ Menteri Perdagangan Dalam Negeri, Koperasi dan Kepenggunaan ]**
12. (D.R. 43/2012) Rang Undang-undang Perbadanan Kemajuan Filem Nasional Malaysia (Pindaan) 2012 "   
**[ Menteri Penerangan, Komunikasi Dan Kebudayaan ]**
13. (D.R. 42/2012) Rang Undang-undang Binatang (Pindaan) 2012 "   
**[ Menteri Pertanian dan Industri Asas Tani ]**
14. PN-1253-U15525  
**Dato' Haji Abdul Rahman bin Bakar** akan mencadangkan:-

"Bahawa Dewan ini mencadangkan supaya disegerakan proses memansuhkan hukuman mati mandatori berdasarkan kepada maklumat berikut:- Menteri di Jabatan Perdana Menteri, Datuk Seri Mohamed Nazri Abdul Aziz berkata, beliau akan mengadakan perjumpaan dengan Perdana Menteri, Datuk Seri Najib Tun Razak dalam masa terdekat bagi membincangkan mengenai satu inisiatif akan dilakukan bagi mewujudkan moratorium (penangguhan) terhadap hukuman mati terhadap mereka yang didapati bersalah memiliki dadah. Mohamed Nazri menegaskan yang Kerajaan sedang menimbang cadangan menangguhkan pelaksanaan hukuman mati terhadap pesalah dadah di negara ini sementara menunggu hasil kajian semula yang dijalankan Pejabat Peguam Negara. Katanya hukuman ganti kes pemilikan dadah sedang dikaji Pejabat Peguam Negara. Sementara, Mohamed Nazri akan berbincang dengan Perdana Menteri supaya kes pemilikan dadah, mereka yang dijatuhi hukuman (mati), akan diminta moratorium, jangan digantung sebab Kerajaan kita sedang meneliti hukuman sedia ada.

Mohamed Nazri juga berkata, permohonan moratorium itu wajar memandangkan sebahagian daripada 900 orang yang sedang menunggu hukuman mati ketikaini adalah pesalah dadah. Perlu disebut, kajian ini dilakukan bertujuan menyelamatkan nyawa rakyat Malaysia di luar negara seperti China, Columbia, Peru dan Venezuela yang berdepan hukuman mati akibat menjadi keldai dadah. Antara hukuman terbaik bagi menggantikan hukuman mati mandatori bagi pesalah dadah, Mohamed Nazri berkata, hukuman penjara 30 atau 35 tahun boleh dikenakan kerana kesalahan itu tidak lagi dianggap serius seperti jenayah pembunuhan. Jika hukuman mati mandatori bagi kesalahan dadah dimansuhkan, hakim akan menggunakan budi bicara dalam menentukan hukuman bagi pesalah dadah. Justeru, berdasarkan kepada senario berkaitan, saya mencadangkan agar Kerajaan mempercepatkan proses berkenaan. Jika perlu, satu jawatankuasa khas di peringkat Parlimen wajar diadakan. Ini penting demi untuk keharmonian dan kemakmuran sejagat dan kebijakan kepada keluarga para pesalah."

**[ Menteri di Jabatan Perdana Menteri ]**

15. PN-1253-U15526

**Dato' Haji Abdul Rahman bin Bakar** akan mencadangkan:-

"Bahawa Dewan ini mencadangkan dan mengesa agar kebebasan media berlaku secara sistematik, berhemah dan berintegriti. Tanggapan kebebasan media bagi pemimpin politik berdasarkan kebebasan untuk media yang hanya menyebelahi mereka dan yang seiring dengan mereka sahaja. Politik dan media sememangnya saling memerlukan. Orang politik memerlukan media untuk mempromosi diri dan wawasan mereka dan media pula memerlukan ahli politik sebagai bahan penulisan mereka. Lazimnya hubungan antara ahli politik dan media bagaimanapun tidak selalu kekal harmoni sepanjang masa. Lazimnya ahli politik akan menyanjung media apabila cerita-cerita positif tentang mereka dilaporkan. Namun begitu, apabila berita yang dilaporkan itu tidak positif, media akan dipersalahkan kononnya untuk menjatuhkan reputasi ahli politik terlibat. Kini telah menjadi satu trend apabila media dijadikan "punching bag" oleh ahli politik untuk menafikan berita yang tidak memihak kepada mereka. Ironinya, pihak yang menjadikan media sasaran saman yang rata-rata angkanya mencecah jutaan ringgit dan pihak sama juga yang melaung-laungkan tentang kebebasan bersuara dan menuntut kebebasan media di negara ini. Keadaan berkenaan bukan melibatkan ahli politik sahaja tetapi meliputi sebuah masyarakat dalam konteks kebebasan media. Dan pengamal media yang berintegriti tidak takut untuk mempersempahkan berita berdasarkan fakta. Berani kerana benar. Mereka tidak takut dikritik mahupun menerima kutukan oleh pelbagai pihak. Justeru, bagi menentukan kebebasan media berlaku secara sistematik, berhemah dan berintegriti, apakah pihak Kementerian sedang merangka atau menggubal ke arah mana media negara ini sedang berada. Apakah kerajaan sedar bahawa satu majlis media kebangsaan perlu diwujudkan dan pertubuhan rasmi ini akan menjadi pemantau bagi kedua-dua pihak iaitu pengamal media dan masyarakat. "

**[ Menteri Penerangan, Komunikasi dan Kebudayaan ]**

16. PN-1253-U15527

**Dato' Haji Abdul Rahman bin Bakar** akan mencadangkan:-

"Bahawa Dewan ini mencadangkan agar institusi kewangan mempertimbangkan untuk mempermudahkan pemberian pinjaman kepada pencipta produk inovasi termasuk membabitkan teknologi hijau dalam usaha melahirkan lebih ramai lagi generasi pencipta. Menteri Sains, Teknologi dan Inovasi, Datuk Seri Dr. Maximus Johnity Ongkili menegaskan bahawa sehingga kini banyak syarikat yang mahu membuat pinjaman untuk menjayakan penciptaan sesuatu produk, namun tidak dapat berbuat demikian ekoran syarat ketat institusi kewangan.Justeru, kerana mereka tidak mempunyai rujukan kejayaan lampau ciptaan berkenaan dan menganggap ia sukar dipasarkan. Untuk tujuan itu, pihak kementerian wajar membentuk satu jawatankuasa khas dengan Kementerian Tenaga, Teknologi Hijau dan Air serta Kementerian Kewangan untuk menyelaras kaedah bagi membantu pencipta terbabit. Kita juga berharap agar peserta atau pemohon dibantu dengan segera, sekali gus dapat menyelesaikan masalah pertimbangan insitusi kewangan yang memproses permohonan itu mengikut prinsip perbankan biasa. Saya juga mencadangkan agar insitusi kewangan mempertimbangkan untuk memberi nilai kepada hak intelek sesuatu produk inovasi yang dibentangkan pencipta bagi proses permohonan pinjaman. Jika ini dapat dilakukan, sudah pasti akan membantu dan menggalakkan para pencipta untuk menghasilkan produk yang bukan sahaja dapat memanfaatkan kepada masyarakat, bahkan dikomersialkan bagi menjana pendapatan yang tinggi."

**[ Menteri Sains, Teknologi dan Inovasi ]**

17. PN-1253-U15528

**Dato' Haji Abdul Rahman bin Bakar** akan mencadangkan:-

"Bahawa Dewan ini menyarankan agar penglibatan sektor swasta juga diambil kira dalam memantapkan Pelan Pembangunan Pendidikan (PPP) yang dilancarkan oleh Perdana Menteri baru-baru ini yang menekankan kepada konsep ilmu yang mampu dimanfaatkan oleh generasi yang akan datang iaitu selari dengan tuntutan semasa dunia/global. Pelan berkenaan cukup rapi dan kemas di dalam mencipta hala tuju negara ke arah negara maju pada tahun 2020. Pelan yang mantap berkenaan semestinya memerlukan pemahaman dan pelaksanaan yang strategik di kalangan warga pendidik, ibu bapa dan para pelajar. Pelan yang mempunyai tiga gelombang iaitu pada 2013-2015; 2015-2020 dan 2020-2025 itu telah mengambil kira pelbagai harapan, rintangan, cabaran, situasi dunia dan perkembangan kemahiran di kalangan masyarakat. Contohnya, apakah vokasional dan kemahiran (hand-on) telah dihidupkan dan diperkemaskan yang wajar diperkembangkan kepada para pelajar di peringkat sekolah menengah lagi.

Ianya sebagai usaha untuk mengimbangi di antara ilmu bersifat akademik dan bersifat kemahiran. Kedua-duanya sudah pasti akan menjadikan negara kita lebih maju di dalam aspek pelajaran dan pembelajaran. Menyedari hakikat berkenaan, saya merasakan pelan berkenaan akan lebih mantap sekiranya peranan sektor swasta diambil kira. Pihak swasta akan menjadi pemangkin kepada konsep pembelajaran sepanjang hayat. Semua firma dan kilang-kilang bertaraf antarabangsa perlu melaksanakan CSR mereka dan memberi ruang/ peruntukan kewangan kepada para pelajar yang ingin melanjutkan pelajaran ke peringkat yang lebih tinggi. Konsep ini telah dilaksanakan dengan jayanya di Australia dan Jerman. Sementara, para pelajar lepasan institusi kemahiran perlu difikirkan tentang ganjaran kepada mereka melebihi daripada yang berasaskan akademik semata-semata. Di masa sama, universiti awam/swasta hendaklah diperbanyakkan di negara ini sehingga peringkat PhD. Lebih penting supaya hasrat pelan ini menjadi kenyataan selari dengan Model Baru Ekonomi (MBE) ke arah menjadikan Malaysia sebuah negara maju berpendapatan tinggi."

**[ Menteri Pelajaran ]**

18. PN-1253-U15529

**Dato' Haji Abdul Rahman bin Bakar** akan mencadangkan:-

"Bahawa Dewan ini menyaran dan mencadangkan agar projek Perumahan Rakyat PR1MA di perbanyakkan lagi dan proses permohonannya dipermudahkan memandangkan rumah atau perlindungan merupakan salah satu keperluan manusia di dunia ini. Rumah juga merupakan suatu jaminan keselamatan dan kesihatan kepada penduduk dunia. Akibat kekurangan rumah atau tempat tinggal yang tidak terurus atau tidak menepati piawaian atau tidak lengkap atau tidak sesuai didiami, sudah tentu akan mewujudkan penyakit masyarakat yang lain termasuk penyalahgunaan najis dada, kecurian, rogol, rompak, samun dan lain-lain. Atas sifat dan kesedaran akan kepentingan rumah kepada penduduk negara ini, pelbagai program telah dilaksanakan antaranya rumah mesra rakyat, rumah PPRT, rumah mampu milik dan rumah kos rendah/sederhana yang telah mendapat sambutan hangat di kalangan rakyat. Namun, melihat kepada penduduk negara kita yang berkembang pada kadar 3.5% setahun, saya rasa pertambahan berkenaan terus meningkat kepada keperluan rumah untuk berlindung. Justeru, pengekalan dan pelaksanaan rumah PRIMA adalah antara yang terbaik terutamanya di kalangan penduduk bandar. Bagaimanapun bilangan rumah berkenaan masih kecil dan perlu diperbanyakkan lagi. Saya suka mencadangkan agar pihak Kementerian Perumahan dan Kerajaan Tempatan (KPKT) terus memberi ruang kepada GLC atau anak syarikat Kerajaan negeri untuk membina rumah PRIMA di samping SPNB dan UDA. Sementara, KPKT juga diminta mempermudahkan proses permohonan secara on-line dan memberikan jawapan segera terhadap permohonan berkenaan.

Ini penting sebagai slogan “Rumahku Syurgaku” yang memberi kesan psikologi kepada pemohon (rakyat) kerana dirasakan mereka dihargai. Kalau sesuai, rumah kedua/ketiga juga boleh ditimbangkan kepada pemohon sekiranya berlaku lambakan kepada rumah-rumah PRIMA.”

**[ Menteri di Jabatan Perdana Menteri ]**